



Ilaqtariinnermut Peqqissutsimullu Naalackersuiso-
qarfik
Box 260
3900 Nuuk

Ulloq/Dato: 18.05.2009
J. nr.: 42.02

Meeqqanut inuusuttunullu ulloq unnuarlu paaqqinnittarfinni inissineqarsimasunut meeqqat inuusuttullu nakuuserfigineqartarnissaat pillugu Namminersornerullutik Oqartussat Nalunaarutissaattut siunnersuutaata tusarniutigineqarneranut akissut

Ilaqtariinnermut Peqqissutsimullu Naalackersuisoqarfimmit 27.3.2009 qulaani Nalunaarutissatut siunnersuut, tusarniaanermi akissuteqarnissamut isumaqatigiissuteqarnikkut 15. maj 2009 kililerneqartoq, KANUKOKA-mit tiguneqarsimavoq. Siunnersuut kommuninut tusarniutigineqarsimavoq. Kommunit oqaaseqaataasa ilaat matumani ataatsimut akissummut ilanngunneqarput. Qaasuitsup kommunianit oqaaseqaatit ilanngullugit nassiunneqarput Kommuneqarfiullu Sermer-suup oqaaseqaatini ullut qaninnerit nassiukkumavai.

Oqaaseqaatit nalinginnaasut:

Nalunaarutissatut siunnersuutip oqaasiliørnerini nunatsinni ulloq unnuarlu paaqqinniffiit tamar-mik isumannaallisakkanik immikkoortoqarnissaat pineqarsorinarput. Naalackersuisoqarfimmit oqarasuaatikkut paasissutissat naapertorlugit maannamut ulloq unnuarlu paaqqinniffinnik isumannaallisakkanik peqanngilaq aammalu isumannaallisakkamik immikkoortortamik ataatsimik, inuusuttunik pinerluuteqarsimasunik taamaallaat ineqarfiusinnaasumik peqarnissaq naatsorsuuti-gineqarpoq. Taamatut nalunaaruteqarneq ilumoorsimappat, Nalunaarutissatut siunnersuutip oqaasertai paatsuugassaajunnaarlugit iluarsineqartariaqarput.

§ 5-miit qallunaatuuani ulloq unnuarlu paaqqinniffinnik taagorunnaarlugit neqeroorutiniq allat-torneqarsimapput. Paatsiveerusimaarnissaq pinngitsoorniarlugu pineqartumut ataatsimut taaguut ataasiinnaq atorneqartariaqarpoq, assigiinngitsunilli taaguusersuinnermut ataani allassimasut peq-quataasimasinnaapput.

Meeqqanut inuusuttunullu ikiorsiisarneq pillugu Inatsisartut peqqussutissaattut siunnersuutip, immikkoortortanut isumannaallisakkanut tunngasuusup tusarniutigineqarnerani juni 2007-imi KANUKOKA-p akissuteqarnermini qallunaat inatsisiliaannik ilaarsinissaq mianersuutigeqqusi-mavaa. Taamaattumik KANUKOKA-p aammaarluni ajuusaarutigaa Nalunaarutissatut siunnersuutip paragraf-ii amerlasuut meeqqat inuusuttullu nakuuserfigineqartarnissaat pillugu Danmar-kimi Socialministeriap Nalunaarutaani nr. 893-mi 9. juli 2007-meersumi allassimasut ilaaqqis-saarlugit allataasimmamata, ilaanilu paragraf-it ilaat piiginnarlugit allanilu oqaasertai naleqqus-

sagaallutik. Taamaallilluni Qallunaat nunaanni Nalunaarut atuuttoq pisariillisarlugu siunnersuut sananeqarsimasutut isikkoqalerpoq, tamannalu KANUKOKA-p kommunillu isornartoqartippaat. KANUKOKA-mit erseqqissaqinneqassaaq, Kalaallit Nunaanni ulloq unnuarlu angerlarsimaffinnik isumannaallisakkanik Danmarkimisut ittunik suli peqanngimmat, taamaammallu malerua-gassat Qallunaat nunaanni pissutsinut naatsorsuussat assilillugit Ilaqutariinnermut peqqissutsimullu Naalackersuisoqarfiup siunnersuusiorsimanagera eqqarsarnartoqartinneqarluni.

Oqaaseqaatit allat:

Kapitali 2, § 3

Oqaasiliornerrata paatsuungananginnerunissaa siunertaralugu kapitalip oqaasertaata imatut allanngortinnissaa siunnersuutigineqarpoq: Meeqqanut inuusuttunullu ulloq unnuarlu paaqqinniffiit isumannaallisakkanik immikkoortaqanngitsut. § 3-p oqaaseqaasiornerata imatut allanngual-latsinnissaa siunnersuutigineqarpoq: Meeqqanut inuusuttunullu ulloq unnuarlu paaqqinniffinni isumannaallisakkanik immikkoortortaqanngitsuni § 2 naapertorlugu timikkut nakuuserfiginnit-tarnissaq inerteqqutaavoq.

Kapitali 3

Ilaqutariinnermut Naalackersuisoqarfiup ulloq unnuarlu paaqqinniffimmik isumannaallisagaa-sumik ataasiinnarmik peqarnissaanik nalunaarutaa ilumoorsimappat kapitali 3-p oqaasiliornera allanngortittariaqarpoq imaalillugu: Ulloq unnuarlu paaqqinniffik isumannaallisagaq isuman-naallisakkanik isumannaallisagaanngitsunillu immikkoortortalik.

§ 6, imm. 2

Oqaaseqaat kingulleq allanngortittariaqarpoq imaasillugu: isumannaallisakkanut inissiinis-saq Ilaqutariinnermut peqqissutsimullu Naalackersuisoqarfimmu nalunaarutigineqassaaq.

Imm. 4

Eqqarsarnartoqarluinnarpoq 12-nik ukiullit immikkoortortani isumannaallisakkani inissinneqar-sinnaalissammata. TAAMAATTOQASSAPPAT naatsorsuutigisariaqarpoq immikkorluinnaq pi-soqartillugu aatsaat taamaattoqartarsinnaassasoq, tassani nassuiarneqarsimassalluni qanoq piso-qartillugu taamatut iliortoqartassanersoq. Erseqqissarneqartariaqarportaaq peqqussut taaneqartoq sordiaanersoq allassimasariaqarmat.

Imm. 5

Tassani ulloq unnuarlu paaqqinniffiit arlallit pineqaqqippu aammalu Naalackersuisoqarfiup ul-loq unnuarlu paaqqinniffimmik isumannaallisakkamik ataasiinnarmik peqarnissaanik nalunaar-neranut akerliulluni, taamaattumik oqaasertai allanngortittariaqarsorinarput.

§ 8, imm. 1

Qaammatit arfinillit sivisupput, tassanilu qulakkeertariaqarpoq inuusuttut 15-it 18-nillu akornan-ni ukiullit pineqaatissinneqarsinnaalersimasut uani pineqartut.

Imm. 2

Uani meeqqat 12-it 15-illu akornanni ukiullit eqqarsaatigineqarsimappata, qaammatit pingasut sivisuvallaarsorinarput, sivisunerpaamillu qaammat ataaseq naammassorinarluni.

§ 10, imm. 4

Titarneq kingulleq qallunaatuani kalaallisuanilu allanngortittariaqarpasippoq. Imatut paasineqartussaanerluni Pinerluuteqarsimasunik Isumaginniffik akuersissuteqarsimappat *aatsaat* aalajangiinissaq pissasoq?

§ 12, imm. 4

Tassani *ulloq unnuarlu paaqqinniffinni sulisut* pineqarsimappata, tamanna erseqqissumik allasimasariaqarpoq kikkut pineqarnerisut eqqoriaasoqaqqunagu.

Imm. 10

Oqaasiliorneq... "*ingerlatsinermut tunngassuteqartut*" pillugit sunniuteqaatissanik aalajangersaassaaq... Suut pineqarnerisut erseqqissartariaqarput.

§ 16

Erseqqissartariaqarpasippoq "*iliuuseqarnissamut periarfissat*" qanoq isumaqartinneqarnerisooq.

§ 20, imm. 2

Kalaallisuanuani kapitali 7 taaneqarsimanngilaq, Nalunaarummilu nr. 64-mi kapitali pineqartooq inersimasunut tunngasuuvoq kukkunerorpasillunilu. Nalunaarummi kapitali 8 pineqarunarpoq, tassanimi *Ulloq unnuarlu paaqqinniffinni, najugaqatigiiffinni nakkutigineqarlunilu najugaqarfinni pissaanermik atuineq pillugu aalajangersakkat* pineqarmata.

Nalunaarutissatut siunnersuummi immikkoortortamit isumannaallisagaasumit immikkoortumut nalinginnaasumut nuutitsinissaq imaluunniit perorsaanikkut misissuisoqarnissaa pisariaqartinneqartillugu, soorlu inuusuttumut ikiorsiinissaq pitsaanerpaq nassaariniallugu, immikkoortortamut isumannaallisagaasumut inissiisinnaaneq periarfissaassanersoq eeqqarsaatigineqarsimarpasingillat. Erseqqissartariaqarpasippoortaaq Isumaginninnermi Ataatsimiititaq qanoq inissisimassanersoq suliani ataasiakkaani Politiit Pinerluuteqarsimasunillu Isumaginniffik akuersisinneqartaartassappata.

KANUKOKA-p kommunillu naatsorsuutigissavaat Ilaqutariinnermut peqqissutsimullu Naalakkersuisoqarfik nalunaarummut ILITSERSUUTINIK erseqqissunik sanajumaartoq, taakkulu imaqqassasut paaqqinniffinnut isumannaallisagaasunut inissiinissamut periusissanik aammalumi suliffeqarfiit attuumassuteqartut: Kommunit, Namminersornerullutik Oqartussat, Politiit Pinerluuteqarsimasunillu Isumaginniffik sunik pisussaaffeqassanersut. Ilitsersuummi ilanngunneqassapput meeqqap/inuusuttup, angajoqqaat, Isumaginnittoqarfiup, Atuarfiup, Politiit Pinerluuteqarsimasunillu Isumaginniffiup akornanni qanoq isikkulimmik suleqatigiittoqassanersoq aammalu meeqqat/inuusuttut immikkoortortami isumannaallisagaasumi inissinneqarnermik nalaanni sunik neqeroorfigineqartassanersut.

Inussiarnersumik

Kisea Bruun
Seniorkonsulent

